

歐北集

第十一冊

甌北集卷二十六

庚子

陽湖

趙翼

雲松

迎鑾曲

鸞旂行令啓青陽拂曙雲霞好景光正是

仙籌添算候恰來海國驗春長

欲知

聖主福如天隔歲先逢大有年老瓦盆中春酒滿都思
持獻輦途前

不獨民情望幸勞我

皇亦愛驗風謠幽風圖畫康衢諺十五年來繫肝膈

迎鑾野老望

國朝集
堯眉歸語村鄰喜可知三十年來凡五見

天容還似乍來時

九重恩沛萬方覃偏是吳民感最諳
黃詔普蠲天下

漕輪年今恰到江南

兒童多少出江村都是
前巡過後蕃迎到輦前

天一笑看他祖父又見孫

雞犬桑麻景物昌其期

庠賞攬年芳誰知別有關情處半爲河防半海防

詔書頻下所經過不許沿途粉飾多本色文章

宸賞在春花能笑鳥能歌

渡江波暖峭帆開二月風光取次催鄧尉梅枝寒勒住

萬花畱待 翠華來

清問餘閒覽翠巒麴塵風靜馬蹄乾

豫遊佳話人誰信

七十春秋尙據鞍

江鄉花柳縱爭春歲歲看來跡也陳只有

奎章隨處湧一回經過一回新

聞說西天佛入關今秋來慶

壽如山南方別有三天竺先湧香雲結妙鬘

清遠吳興山水殊已開馳道候

宸娛詔書爲念顰忙月不遣移舟碧浪湖

仁皇六度駐鸞和

繩武今看福更過盛事古來曾幾見

祖

孫已是百年多

虞廷五載例堪循從此吳民望更頻
送罷屬車齊合十
萬年天子歲來巡

丹陽道中

曉發丹陽郭春波綠上篙河分江溜急岸似峽門高
官路新舒柳

君恩舊賜袍迎鑒何敢後廿載俸錢叨

順河集迎

駕恭紀

拂露晨排駕披星夜整冠十年常望闕千里此迎

鑾日景流暉照

天容帶笑看康疆知

帝壽顏似舊時丹

憶昔樞曹日曾隨豹尾行揮毫擅帳夕聯騎羽林營身

爲循陔退心猶報國誠道旁瞻翠葆凝睇一含情

潛帥鄂公延主淮陽講席賦呈

不曾瞻謁早心欽敷歷封疆望最深九折險經山削鐵

金川用兵
公在行間

四知清到夜投金高懷常與雲俱淡短髻還欣雪

未侵粵嶠鈴轅艱一拜

公撫粵西時余守鎮安爲公
屬吏以從軍漢省不獲趨謁

何期得侍在淮

陰

程晴嵐太史招飲荻庄卽事

小築堪尋勝湖干第幾灣是村仍近郭有水可無山疎
密花千樹廻環屋數間主人頭半白養靜作禪關

牆垣全不設但以竹爲籬棗熟鄰應撲花開客共知王
猷堪竟入葦相也頻窺獨樂名殊隘輸君景不私

勝地閒時日難兼抵寸金園真依淥水人已脫華簪鷗
是忘機侶花含解語心看君知足處直欲老亭林

客裏無交舊欣君此結廬軟紅談往跡嫩綠陰幽居舊
雨爲今雨前魚接後魚只愁來往數多費爾盤蔬

讀陸放翁詩題後

晴霞散綺光滿空萬馬蹴陣聲隆隆狼籍心花怒猶熱
吹入燭燄成長虹南渡全忘復讐事畱作先生不平氣

况兼才思十倍雄萬斛原泉不擇地好景當前人弗見
觸目輒歸剪裁麗直罄造物無盡藏不許天公稍自秘
人言翁詩太求工先得佳句後訖功欲與千秋鬪顏色
寧免畧傳胭脂紅要其艷質本獨絕修飾乃益妍無窮
不然無鹽滿面粉豈遂可列施嬙中晚年藻采更悉擯
淡掃蛾眉使人認老婆舌頭老嫗頤拾來都與名理印
試讀渭南以後詩八九十歲猶精進乃知耄學益勤劬
老境逾甘啖蔗如漸余五十編詩日纔是先生存稿初
送別陳蘭江龔東知

編紵相逢淮水濱論交方喜對牀新穿花香染蜂隨客
剪燭談深鼠惱人兩月琴尊成舊雨一堂履舄又前塵

留髡地主今何在存歿關心一愴神

二君皆真和齋上客也時和齋已去世

大學士雲巖阿公平金川後治河豫省事畢趨赴行在道經淮城相見話舊敬呈三律

信有熙朝柱石臣文經武緯贊鴻鈞
蟻叢路闢千重嶺麟閣形圖第一人
郭令勲名真蓋世范公憂樂豈關身
十年重見頭還黑此是蒼生福正新

平賊歸來又障山都將艱鉅一身肩
紀功難了三千牘名世須論五百年
鳥道連雲探穴險鯨波翻雪築隄堅
從今奏到平成績安穩常依日月邊

征南幕下記趨隨親見籌邊策不遺意
氣人皆吞小醜事權公是統偏師
畫灰回憶爐邊字剪燭重論局後棋

今日勲庸滿天下苦心能得幾人知

陳竹泉荏寒班春圖

君嘗判黔之都江
所部多生苗地

繡虎朱旂寶馬鞭書生袴褶入蠻天
獠狔從古無官到始識王尊叱馭堅

苗家土俗也風流山寨何因駐絳騶
莫是蘆笙催跳月使君出郭作遨頭

連雲大箐字牛皮險仄途愁命一絲
不是過來人不識

故應向我乞題詩

牛皮箐皆牛苗所居
余昔往古州過此

又題采菊圖

自從陶潛愛秋菊此花遂爲隱者獨
豈知後世菊事繁也染胭脂鬪芳縟
醉楊妃與粉西施紅白二菊
名見彙苑全變東籬昔

面目君獨歸田餐落英得毋猶誤舊虛名不如還逐春
風去桃李河陽種滿城

寓齋卽事

屏跡少塵事素心稀往回茗香人睡起雨濕燕歸來按
譜琴三疊澆書酒一杯不知春已盡花落滿蒼苔

漂母祠和韻

神祠因一飯千載尙銘恩月旦歸巾幘丞嘗抵子孫士
窮來欲哭女俠此長存亭長妻何陋盤餐太較論

貞女芮泰姑詩

當塗人未嫁而夫楊之嘉
廷天節爲其夫表親立孤

白頭猶是女兒身辛苦持門幾十春絕似子中通籍後
不會食祿作忠臣

那得閒依繡佛燈課嚴菽乳日三升市兒買得都稱歎

片片懷清寡女冰

以磨豆
腐爲生

三生石也記功無爲養重親爲立孤他日九原相見處
可憐猶未識兒夫

億生獻賦

行在召試入等得官中書舍人詩以寄賀

得官不待試槐黃新樣泥金報喜忙賦草迴呈

黃幄殿詔書榮拜紫薇郎西垣禁地初翔步南國詞壇

久擯塲螭陛鑿坡看發軔尙書貽後澤原長

翻階紅藥記前因年久難尋舊履塵

余出內閣
己丑二年

有汝一家添

後輩愧余廿載似陳人官登瑣闥班原貴地與瀛洲路

最親他日五雲臚唱處家聲達頂又傳薪

君會祖裴夢公
已丑科狀元

在淮無事搜得軼事二則各系以詩

徐仲車集淮陰一婦人有盜殺其夫而娶之婦
弗知也生二子矣盜以爲相從久必不恨偶同
舟過其夫死處乃語之婦大慟走訴官置之法
并投二子於河俟盜戮亦自沉死

藁砧不歸鬼夜嘯紅顏無依泣再醮豈知新薦枕席人
卽是中途殺夫盜盜雖貪色亦防讎守口頻年不露謀
生得兩兒俱卅角想來恩重如山邱同舟偶過殺夫處
一語似鬼開其喉紅顏聞之勃然變眉作劍眉面鐵面
慟哭奔來訴縣庭深仇近在同巢燕身是冤魂結髮妻

故夫爲我屍千片罪人斯得網難逃眦裂看他斬市曹
膝下兩兒俱賊種牽來併與擲洪濤申冤雪恥俱完事
我亦何顏見天地一婦曾經斃兩夫餵狗猶愁狗不飼
剩有清淮洗此羞橫身躍入盤渦沸此意令人絕可憐
身雖叢垢志仍堅君看甄女爲曹婦明識夫誓尙抱眠

夷堅志金海陵南下時淮陰磨盤灘張生妻卓
氏爲金將所得卽僞與歡并告以故夫有藏鏹
乃同往逼取之金將以爲愛已也盡以所攜委
之會軍變北歸卓乃醉而殺之囊其物歸故夫
謂當時若不設逼銀計彼必不深信使我得伺
間且倍獲也

磨盤灘前鐵騎渡，擄得蛾眉伴戎幕。明知非偶且相隨，
撇下家雞伴野鷺。兒家尚有白鏐多，一并劫來爲君富。
聯騎直入所居堂，倒皮親搜複壁藏靡蕪。有人戰手罵
嫁得劉郎背阮郎，虬髯將軍大稱意。此婦愛我心不貳，
別掠金珠滿橐中。管籥將來親手界，一朝軍變赴歸途。
斗酒沽來醉此奴，手割長刀鞭馬出。盡攜所獲覓前夫，
前夫見之方切齒。行笈一開乃倍蓰，始知入室假操戈。
正是垂綸厚設餌，欲誑孟嘗裘千金。先割商於地六里，
嗚呼用智何太奇。南入不死果有爲，陷身虎穴竟殺虎。
古來處變原多岐，獨憐此事亦倖濟。不然身辱骨亦碎，
君不見段公擊笏反被戕。景清懷刃終不遂。

寓齋

笑比齋堂偶掛單無端畱滯到春殘
浪遊誤了看花眼開過丁香又牡丹

送春

踏盡苔痕屐齒泥銷魂今日靄欄西
落花何與黃鶯事也爲春歸不住啼

去已堂堂不待催暗添蕭索上池臺
勞也落日回殘照猶送嚮西樹影來

和晴嵐贈別原韻

聯袂曾趨朶殿東各收宦跡到山中
才名敢便輕餘子家事毋煩溷乃公
坐擁一庭花富貴步隨幾隊蝶雌雄

兩人都是閒鷗侶翻怪平時信不通
感慨非關別玉墀相看各已髡成絲乞誰少許丹砂劑
還我當初黑髮時十七史從何處說百千家牘幾篇詩
立言已是儒生末況少曹碑幼婦詞

十載分飛履舄塵偶然聚首也良因我慚湖海稱豪士
君有園林作主人辛苦予雲期後世高閒摩話認前身
臨分那禁離懷惡一帶淮隄柳正新

原作

程沉

清時文望著江東早有才名入禁中長慶文章推巨
手建安風骨冠羣公人從絕徼干戈健詩向蠻鄉瘴
癘雄要識先生隨境變華嚴法界本圓通